



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Reflexio V. Argvmentvm Historicvm Ex Hübnero I. Pro Primatu Pontificis
Romani, Est Vocatio, Sev Missio Episcoporum.

[urn:nbn:de:hbz:466:1-64326](#)

III. Justinianus I. Jmp. Novell. 131. 15. Calend. Aprilis an. 541. edita, cùm de quatuor Synodis Oecumenicis quædam servanda decrevisset, earundem dogmata sicut sacras Scripturas accipi debere, & regulas sicut leges observari præcepit. Mox de Sede Constantinopolitana addidit, ut primum locum post Romanam teneret. Vid. Spondan, in Compend. C. Baronii, aut ipsum Baronium an. 541.

Idem in epistol. ad D. Joannem II. Pont. data, quæ habetur in Codice tit. primo: *Nec enim patimur quidquam, quod ad Ecclesiarum statum pertinet, quod non etiam vestrae innoteat Sanctitati, quæ Caput est omnium sanctorum Ecclesiarum.*

Propositis hoc ordine testimoniis Romanorum Pontificum, Conciliorum, Patrum Græcorum & Latinorum, nec non quo-rumpiam Imperatorum testimoniis sanè validissimis, & maximam partem clarissimis, tam pauca, tam parva objecerunt Orthodoxis Calviniani & Lutherani Scriptores, ut nec pilum de Fidei nostræ firmitate adimere, minus longè fidem mereri ipsi, uti dicimus, probabilem tantum possint vel argumentis, vel responsis suis quibuscunque: verba enim eorundem ex S. Codice, Pontificibus, Conciliis, vel unde unde demum quæsita, & haud semel duntaxat truncata, sunt neutiquam claritate sua nostris æqualia; sunt longè aliis locorum, temporum & rerum diversarum circumstantiis à primævis suis authoribus adhibita. Ut paucis cum Theologis & Philosophis dicam multa: non sunt ad rem.

REFLEXIO V.

ARGVMENTVM HISTORICVM EX HÜBNERO I. PRO PRIMATU PONTIFICIS ROMANI,

EST VOCATIO, SEV MISSIO EPISCOPORUM.

Quid de Primatu D. Petri teneant, & tenendum dixerint S. Codex, Pontifices, Concilia, Patres & Imperatores

res, intelleximus hactenus; nunc tantæ authoritati an respondeat Historia non Orthodoxa solum, sed & Heterodoxa, tantisper dispiciamus. Hubnerus & Lutherani Scriptores alii antagoniste mei perpetui, in se suscepereunt laborem oppidò operosum, non solum scribendi Seriem Pontificum & Imperatorum Romanorum, sed & Archiepiscoporum juxta & Episcoporum per Germaniam universorum. Nemo nostrum sit facile, qui non laudet operam maximopere; multi tamen sint, imò sunt hodie plurimi, qui quod meritò reprehendant, reperiunt facile. Dissensio nimirum, discordia & scriptarum Serierum discepantia, quid si palmaris in Hübneri & Sociorum tomulis iterum iterumque deprehenderetur, an non meritò reprehenderet Lector æquissimus?

Novimus ex Serie Romanorum Pontificum & Imperatorum, Hübnerum cum asseclis suis in eo totum esse, ut asserat, assertumque Lectori persuadeat, Phocam Seculi VII. Imperatorem extitisse primum authorem & assertorem iniquissimum Primatus Romani supra Episcopos. Jam verò cum iisdem prioribus tomulis comparare & componere lubeat ejusdem Hübneri tomulum VII. & VIII. quos de Archiepiscopis & Episcopis Germanicæ Ecclesiae in lucem edidit. In tomulis prioribus, negat Romanis Episcopis jura Primatū; negat in quosvis Episcopos jurisdictionem; negat Petrum esse Authorem Episcoporum in orbe universo multorum; titulus Episcopi Oecumenici est ipsi nota characteristicæ Anti-Christi, Bonifacio III. Seculo primū VII. à Phoca tyranno inserta. Non ita profectò sonant tomulus VII. & VIII. Prior enim

Pag. 638. ubi exordium ponitur Trevirensium Historiæ, recenset rem more Scriptorum Catholicorum de DD. Euchario, Valerio & Materno Episcopis à D. Petro Româ dimissis in Germaniam. Idem factum eodem tomul. repetit pag. 765. in

Colo-

Coloniensi Historia. His similia sequuntur in cit. tomul. pag. 856.
ubi orditur Leodiensis Ecclesiæ Episcoporum Seriem.

Pag. 416. exordium faciens Episcopis compendio dandis
Vindonissæ seu Constantiæ, non audet negare, D. Beatum
S. Petri discipulum Episcopatui posuisse fundamentum Vindonissæ novo.

Pag. 463. refert D. Petrum ipsissimum venisse Curiam, &
initium fecisse ibidem Episcopatui: an ipse metuero Curiæ Episcopum egerit, & D. Lucium Successorem constituerit, liqui-
dum nondum esse.

Pag. 647. fatetur, D. Agritium natione Græcum Episco-
pum, aut forte etiam Antiochiæ aliquo tempore Patriarcham,
rogante D. Helena Imperatrice Trevirensibus à D. Sylvestro
an. 327. constitutum fuisse Archiepiscoporum Treviris omnium
primum. Argumenti loco addidit hoc dystichon:

Accipe Primum post Alpes Trevir ubique,
Quem tibi Roma, nova lege dat & veteri.

Unde prosecuturus Historiam eandem dicit: nos insistamus
traditioni antique, qua accepimus D. Agritium Trevirorum fuisse Archiepiscoporum omnium primum.

Pag. 713. confitetur, D. Clementem ob traditionis per-
petuæ argumentum Metensis Ecclesiæ primum esse dicendum
Episcopum jam Seculo I. constitutum à nemine alio, quām, si
fides sit habenda diversis authoribus, ab Apostolorum Princi-
pe Petro haud secus, quām ab eodem missi & constituti sunt
DD. Eucharius, Valerius & Maternus.

735. Refert asseri, D. Mansuetum Tullensi Ecclesiæ Secul. I.
à D. Petro datum esse Episcopum.

Tomul. VIII. dubitat, an D. Laurentius (diversus longè
à D. Laurentio Diacono) Archiepiscopatum Laureacensem, Salis-
burgum dein translatum, inchoaverit Secul. I. mittente D. Pe-
tro, an D. Marco,

Pag.

Pag. 10. ait D. Maximilianum Laureacensis Ecclesiæ Archi-Episcopum circa annum 250. ut Decii Imperatoris persecutionem declinaret, fugisse Romam; verum à D. Sixto II. Rom. Pont. remissum in Germaniam rediisse, tametsi inter Martyres se ocyus numerandum apprime sciret.

Pag. 13. affirmat, Theodorum I. Laureacensem seu Salisburgensem Archiepiscopum à D. Symacho Pont. Rom. Archi-Episcopali Pallio an. 499. esse donatum. Quibus verbis addere Hübnero libuit: ex hac donatione sequi neutiquam, Theodoro Laureaci non præcessisse Archiepiscopos pridem institutos.

Pag. 14. haud diffitetur, Philonem Theodori I. Rom. Pont. auctoritate constitutum esse Laureaci Archiepiscopum, dum Passavio Erckenfridus à Bavariae Principe est impetratus Episcopus. *vid. etiam pag. 15.*

Pag. 262. narrat D. Lucanum Brixinensem Episcopum circa an. 424. ob dispensationem contra jejuniū Ecclesiastici legem liberiūs, quām par esse dicebatur, potentibus concessam, evocatum Romam venisse, & luculento miraculo ab omni culpa immunem sese esse commonistrasse.

Pag. 344. more Catholicorum defendit, D. Linum inter LXXII. Christi Servatoris nostri discipulos numeratum venisse unā cum D. Petro Romam; Romā dimissum in Galliam miraculis inclaruisse, & Visuntinī Archiepiscoporum ibidem omnium primum præluxisse teste traditione perpetua.

Pag. 347. Scribit D. Maximinum Seculo Christi III. à D. Cajo Rom. Pont. fuisse consecratum & Visuntinæ Ecclesiæ missum Archipræfulem. Similia recenset pag sequenti de SS. Eusebio & Hilario, quorum primum à D. Miltiade, & Secundum à D. Sylvestro consecratos ait Episcopos.

Pag. 359. S. Celidonius Visuntinus Antistes ab Arelatensi Episcopo Hilario iniquè postulatus appellavit an. 445. ad D. Leo-

His sanè simillima continent plura tomuli Hübneriani, ex quibus juvat colligere, Pontifici Romano in Episcopos jam assertam fuisse potestatem Seculo post Christi natales I. II. III. IV. V. VI. atque adeò ante Imperium Phocæ tyranni, qui cœpit imperare an. 602. de quo vid. Seriem Rom. Pont. & Imperat. Liquebat igitur, Hübnerum in libellis suis sibimet totum contrarium nunc adimere, nunc concedere Pontifici Primatum in Ecclesiæ à Romana distinctas.

Cæterū D. Petri & Successorum Pontificum in quosvis Episcopos Orthodoxos Primatum ut amplius perspiciant universi, huc annexere placet Catalogum Episcopatum multorum, quorum D. Petrus teste Historia Ecclesiastica author jam extitit. C. Baronius ad annum Christi 46. hunc in modum recenset:

Habuit à Petro institutos Episcopos Sicilia Pancratium, Marcianum, Berillum & Philippum; Capua Priscum; Neapolis Asprem; Terracina Epaphroditum; Aequicola Marcum, alium tamen ab Evangelista; Ptolomaum Nepe; Romulum Fesulæ; Paulinum Luca; Ravenna Apollinarem; Verona Euprepium; Patavium Prosdocimum; Ticenum Syrum; Aquileia post Marcum Hermagoram; in Galliis Lemovicenses, Tholosani & Burdigalenses Martiale; Tungrenses, Colonienses & Trevirenses Maternum, nec non Valerianum; Rhemenses Sixtum; Arelatenses Trophixum; Senonenses Subinianum; Cenomanenses Iulianum; Vieuna & Moguntia Crescentem; Catalunum Gallæ Memmum; Bituricenses Ursinum; Avernenses Aufremontum; Sandonenses Europium; Germania Eucharium, Egistum & Martianum; Hispania Torquatum, Itesiphontem, Secundum, Indalegium, Cæcilium, Hesichium, Euphratium & alios.

REFLEXIO VI.

ARGUMENTVM HISTORICVM II. EX HÜB- NERO PRO PRIMATU ROM. PONTIFICIS, EST NVMERVS EPISCOPORVM DIVORUM.

Fundamentum seu Petram Ecclesiæ Germanicæ ob oculos posuerunt nobis superiùs dicta; nunc quales quantæque colum-